

Í dag eru síðustu forvöð að alla sjer möguleika til stóra vinningsins Happdrættið.

Raddir almennings um sjávarútvegsmálin.

Daglega berast til Alþingis áskoranir frá sjómönnum og útgerðarmönnum víðsvegar um land um að sinna sjávarútvegsmálum á þingi og þá einkum og sjer í lagi tillögum millipinganevndar í sjávarútvegsmálum og frv. Ólafs Thors um fiskiráð.

Hjer skulu taldar nokkrar þær samþykktir, er gerðar hafa verið og borist hafa til þingsins hina síðustu daga.

Á Vopnafirði samþykkti almennur fundur útvegsmanna og sjómanna að skora á Alþingi að samþ. frv. til laga um skuldaskilasjóð útgerðarmanna.

Í Vestmannaeyjum helt Útvegshandafjelagið fjölmennan fund og skoraði á Alþingi að samþ. frv. um skuldaskilasjóð frv. um fiskveiðasjóð og frv. Ólafs Thors um fiskiráð. Ennfremur samþykkti sá fundur að skora á Alþingi að beita sjer fyrir verðlækkun á hráolíu.

Á Flateyri samþykkti Fiskideildin Hvöt með 22 samhlj. atkv. eftirfarandi ályktun:

„Fundur fiskimanna á Flateyri telur frumvörp millipinganevndar í sjávarútvegsmálum, einkum frv. um skuldaskilasjóð og frv. um fiskveiðasjóð stefna í rétta átt og skorar á Alþingi að samþykkja tjeð frumvörp.“

Fundur sjómanna og útgerðarmanna í Fiskideild Dýrafjarðar sendi Alþingi svohljóðandi skeyti:

„Fundur útgerðarmanna og sjómanna í Fiskideild Dýrafjarðar samþykkti eftirfarandi till. með öllum greiddum atkv.:

„Fundurinn telur frv. millipinganevndar í sjávarútvegsmálum um skuldaskilasjóð útgerðarmanna og frv. um fiskveiðasjóð Íslands nauðsynleg vegna ástands og hörfa um útgerð landsins og skorar á Alþingi það, er nú situr, að lögfasta þessi frv. Jafnframt skorar fundurinn á Alþ. að gera verulegar og nauðsynlegar ráðstafanir til þess að útgerðarvörur, svo sem kol og salt, olíur og veiðarfæri lækki í verði!“

Frá Siglufirði sendu 39 útgerðarmenn Alþingi svohljóðandi skeyti:

„Vjer undirritaðir Alþingiskjösendur og útgerðarmenn á Siglufirði leyfum oss hjer með að skora á hið háa Alþingi, sem nú er starfandi, að samþ. frv. þau um skuldaskilasjóð, um fiskveiðasjóð, um váttryggingu opinna vjelbáta, um rekstrarlánafjelög og um fiskiráð, sem öll eru flutt nú á Alþ. Teljum vjer, að öll þessi frv. miði að viðreisn sjávarútvegsins og að stjórnmalaflokkarnir ættu að sameina sig um framgang þeirra.“

Í Ólafsvík var eftirfylgjandi samþykkt gerð. Fundur útgerðarmanna samþykkti með 15:4 atkvæð-

um áskorun til Alþingis um að samþ. á þessu þingi frv. um skuldaskilasjóð, frv. um rekstrarlánadeild og frv. um fiskiráð, sem liggja fyrir Alþingi. Fundurinn leggur áherslu á samþ. rekstrarlánadeildar fyrir smábátautgerðina.

Frá Ólafsvík hefir Alþingi borist svohljóðandi seyti:

„Á fjölmennum fundi í Ólafsfjarðarkauptúni 29. nóvember voru samþykktar eftirfarandi áskoranir með öllum greiddum atkvæðum: Fundurinn skorar á hestv. Alþingi

1. að samþ. á þessu þingi frv. þau, sem millipingan. í sjávarútvegsmálum hefir lagt fyrir þingið,
2. að samþ. þáttill. Garðars Þorsteinssonar og Bernhards Stefánssonar um eftirlit með veiðarfærum fyrir Norðurlandi,
3. að samþ. ekkert það, sem á nokkurn hátt gæti orðið þess valdandi, að ríkiseinkasala komist á fiskframleiðslu landsmanna,
4. að ef frv. um fiskimálanefnd verður samþ. þá veitist vjelbátautvegsmönnum heimild til að tilnefna einn mann í nefndina,
5. að hlutast til um, að útgerðarvörur fást lækkaðar í verði, sjerstaklega steinóla,
6. Mótmæli gegn bensinskatti!“

Mótmæli Siglufirðinga.

Vjer undirritaðir síldarsaltendur á Siglufirði skorum hjer með á hið háa Alþingi að fella frumvarp það um síldarútvegshnefnd, er nú liggur fyrir þinginu, þingmál 161, sem felur í sjer einkasölu á síld, og er það eindreginn vilji vor, að verslun, framleiðsla og útflutningur á saltsíld og kryddsíld verði hverj um íslenskum borgara algerlega frjáls.

Viljum vjer rökstyðja þessa áskorun vora í stuttu máli með eftirfylgjandi:

1. Nú er svo komið, að 6 erlendar þjóðir stunda síldveiðar hjer við land, á meir en tvöfalt fleiri skipum en við Íslendingar, og er því aðstaðan mikið verri nú en þegar Síldareinkasalan var stofnuð 1923.

2. Samþykkt ofanefnds frumvarps myndi örva þessa þáttöku útlandinga í veiðinni utan landhelgi.

3. Síldarframleiðsla Íslendinga yrði einskonar varabirgðir, sem aðeins yrðu keyptar ef útlandingar utan landhelgi veiddu of lítið til þess að fullnægja markaðinum.

4. Lánstraust síldarsaltenda fyrir tunnur og salt myndi hverfa og ríkissjóður neyddist til að taka á sig hættuna við að ábyrgjast innkaup á þessu.

5. Jafnframt því, sem framleiðslan hlyti að minka við einkasölu yrði afleiðingin tilfinnanlegur atvinnumissir fyrir almennung.

Síldarútvegurinn hefir gengið sæmilega síðan Síldareinkasalan hætti 1931, og engin ástæða til að hætta þessum atvinnuvegi aftur inn á einkasölu brautina, sem reynslan er búin að sýna að hafði miljóna töp í för með sjer fyrir ríkissjóð og landsmenn.

Hjer fara á eftir undirskriftir vorar ásamt tilgreindri tunnutölu framleiðslu hvers einstaks 1934:

Ásgeir Bjarnason (3070).
Halldór Guðmundsson (9500).
Ragnarsbræður,
Ólafur Ragnars (13000).
Guðmundur Hafliðason (1980).
G. Tynes (9400).
Helgi Hafliðason (1950).
Samúel Ólafsson (1950).
Friðrik Guðjónsson (6700).
Olav Henriksen (4300).
Þorsteinn Pjetursson (1400).
Sveinn Guðmundsson (6000).
Pjetur Bóasson (4000).
E. Malmquist (2700).

Hjónaskilnaðir í Englandi.

Í Englandi hafa gílt fram að þessu mjög ströng ákvæði um hjónaskilnaði. Hefir þess verið krafist að sannanir lægi fyrir um hjúskaparbrót, til þess að skilnaðarleyfi fengist.

En nú liggur fyrir þinginu frumvarp um ný hjónaskilnaðarlög, og eru það hundrað þingmenn, sem bera þau fram. Eftir því frumvarpi á að veita skilnað:

Ef annaðhvort hjónanna hefir verið geðveikt í fimm ár.

Ef annað hvort hjónanna hefir liðið af óstjórnlegri áfengisnautn í þrjú ár.

Ef annað hvort hjónanna hefir stöðugt notað eiturlyf í þrjú ár.

Ef hjón hafa verið skilin að borði og sæng í þrjú ár.

Ef annað hvort hjónanna hefir verið dæmt í lífstíðar fangelsi.

Ef konan hefir hlápið frá manni sínum vegna þess að hann hefir misþyrmt henni.

Í greinagerð frumvarpsins er þess getið að nú sem stendur sje 50.000 hjónbönd þannig að annar makinn sje geðveikur, en hinn geti ekki fengið skilnað.

Dágóðan afla sagði frjettaritari blaðsins á Siglufirði vera þar nýrðra nú. Batar rjeru í gær og fyrradag og öfluðu alt að 6 þús. pund á skip.

NATHAN & OLSEN

ÍSLENSKAR

ÍSLENSKAR

K

ARTOFLUR

Sími: 1-2-3-4

Appelsínur

**margar stærðir, mjög góðar,
verð, frá 15-35 aura og
12 stk. fyrir 1 krónu.**

**Epli Delicious
Epli Jonathans
do. Itölsk.**

**Vínber ágæt.
Bananar**

fást bestir í

Liverpool

Jörðin Höfði

í Höfðahverfi er til sölu og ábúðar frá næstkomandi fardögum. — Túnið gefur af sjer 350—400 hesta í meðalári, óvenjulega gott, auðunnið túnstæði svo hundruðum dagslátta skiftir, liggur suður frá túninu — einnig liggja engjar alt út frá túninu. Æðarvarp 30—40 kg. Gott og stórt íbúðarhús er á jörðinni og frítt uppsátur á Kljáströnd fyrir einn mótorbát.

Semja ber við undirritaðan fyrir 15. mars n. k.

Steingrímur Jónsson,

fyrv. bæjarfógeti, Akureyri.